



Isalathiso: 20201117-2483
Inombolo yefayili: 13/1/1
Imibuzo: M Ludick

Ingcaciso eMfutshane yeCandelo loLawulo lweeMviwo: 0014/2020

Iya: KumaSekela Balawuli-Jikelele, kuBalawuli abaziiNtloko, kuBalawuli (kwaNdlunkulu nakwii-ofisi zezithili), kumaSekela-Balawuli, kwiiNgcali zeMfundo eziziiNtloko, kwiiNtloko zoKunika iNkxaso kwiKharithulam; kwiiNtloko zoLawulo noKuphathwa kwaMaziko, kuBaphathi beeSekethe, kumaSekela eeNgcali zeMfundo eziziiNtloko, kwiiNtloko zoQuquzelelo neNgcebiso ngezeSLES, kuBaququzeleli boVavanyo neeMviwo, kuBacebisi beZifundo nakwiiNtloko zamaziko alungiselela abaviwa kwiimviwo zeSatifikethi seMatriki sikaZwelonke nezeSatifikethi seMatriki esiLungisiweyo (Senior Certificate)

Isihloko: Ukubhengezwa kweziphumo zeemviwo zeSatifikethi seMatriki sikaZwelonke (NSC) nezeSatifikethi seMatriki esiLungisiweyo (Senior Certificate (SC)) zika-2020

1. Ukwenzela ukuba iinqununu zenze amalungiselelo ayimfuneko okuthatha nokutshekisha ezi ziphumo zikhankanywe ngentla apha, kukhutshwa **le ngcaciso nemihla** elandelayo:
 - 1.1 Iinqununu (okanye ootitshala ekudluliselwe kubo amagunya) banokuzithatha iziphumo zeNSC okanye SC kwii-ofisi zezithili ngoLwesibini we-23 Februwari 2021 ngo-08:00
 - 1.2 Iinqununu (okanye ootitshala ekudluliselwe kubo amagunya) zinikwa iiyure ezintathu zokutshekisha iziphumo bakhangele nayiphi na ingcaciso eshiyiweyo okanye iimpazamo ezibonakala ngokulula. Ezi mpazamo mazixelwe kwiCandelo loLawulo lweeMviwo kwezi nombolo zefoni 021 467 2975 / 2924 /2934 / 2246.
 - 1.3 Iziphumo zinganikwa abaviwa kwizikolo nakumaziko abo achaphazelekayo ukususela ngo-12:00 ngoLwesibini we-23 Februwari 2021. Iziphumo zabaviwa abasisigxina ziya kufumaneka kuphela ezikolweni naku-Intanethi, kwaye AZIYI kufumaneka kwiZiko laBenzelwa iNkonzo leCandelo leeMviwo leSebe leMfundo leNtshona Koloni (WCED).

- 1.4 **Makuqatshelwe: Akukho ziphumo mazasiswe abaviwa yaye kungekho ngcaciso malunga noku mayinikwe abamajelo eendaba namaphepha-ndaba ngaphambi ko-12.00 nge-23 Februwari 2021.**
- 1.5 NgoLwesibini we-23 Februwari 2021 ngo-12:00 ziyafumaneka iziphumo kwiziko lewebhu leSebe iWCED apha: <https://wcedonline.westerncape.gov.za> Abaviwa kuya kufuneka bafake **iifani zabo nomhla wokuzalwa (date of birth)** ukwenzela ukuba babone iziphumo zomviwa ngamnye kwiziko lewebhu leSebe iWCED.
- 1.6 Mabacetyiswe abaviwa ukuba batshekishe amagama abo apheleleyo neenombolo zezazisi ukuba ziboniswe ngokuchanekileyo na kwingxelo yeziphumo zabo (*statement of results*).
- 1.7 Imibuzo emalunga neziphumo imele ukungeniswa ukwenzela ukuba kwenziwe uphando ngayo zingadlulanga iintsuku eziyi-30 emva kokukhutshwa kweziphumo. Mayingeniswe yonke imibuzo apha: ExamResults@westerncape.gov.za
- 1.8 NgoLwesithathu we-24 Februwari 2021 ngo-6:00 iziphuma ziya kupapashwa kumaphepha-ndaba.
2. **Ukumakishwa kwakhona nokutshelwa kwakhona kweencwadi zeempendulo zeNSC neze-SC zango-2020**
- 2.1 Izicelo zokumakishwa kwakhona nokutshelwa kwakhona kweencwadi zeempendulo mazingeniswe kusetyenziswa amaqonga onxibelelwano ngekhompyutha (*online platform*) apha: www.eservices.gov.za.
- 2.2 Umhla wokuvala kwizicelo zokumakishwa kwakhona ngowe-10 Matshi 2021.
- 2.3 Kusebenza ezi ntlawulo zilandelayo ngesifundo ngasinye:
- | | |
|---------------------------------|------|
| Ukumakishwa kwakhona: | R120 |
| Ukutshelwa kwakhona: | R29 |
| Ukubonwa kweencwadi zeempendulo | R234 |
- Ezi ntlawulo ziya kurhoxiswa kubafundi abakwizikolo ezingahlawulisi zifizi. Abafundi abakuxolelweyo ukuhlawula iifizi baya kuxolelwa kwintlawulo yokumakishwa kwakho.
3. **Izicelo zeeMviwo zeNSC ngoMeyi/Juni 2021**
- 3.1 Bonke abaviwa ababebhalisele iimviwo zeNSC zangoNovemba 2020 nababengekho kwinxenye yoviwo abanesizathu esamkelekileyo okanye abangazange baphumelele ukufumana iziphumo zokufunda ababenethemba lokuzifumana, banokwenza isicelo sokubhala uviwo lweNSC ngo-Meyi/Juni 2021.

- 3.2 Iifom zezicelo ziya kufumaneka ezikolweni ezifundisa i-NSC, kwii-ofisi zezithili, kwiZiko i-WCED Examination Client Services Centre, eGrand Central nakwiziko lewebhu leSebe iWCED.
- 3.3 Umhla wokuvala kwizicelo zeemviwo zeNSC zango-Meyi/Juni 2021 nge-12 ka Matshi 2021.
- 3.4 Nayiphi na imibuzo emalunga neemviwo zokuxabangela zeNSC inokuthunyelwa apha: ExamRegistrations@westerncape.gov.za
4. ISebe iWCED malaziswe ngamalungiselelo enziwe zizikolo nangamaziko okubhalela iimviwo okuthathwa kweziphumo zawo. Ziyacelwa iinqununu nabaphathi bamaziko okubhalela iimviwo ukuba bazalise le fom iqhotyoshelweyo **(isiHlomelo A)** ize ithunyelwe **kumlawuli wesithili** ochaphazelekayo ungalulanga owe-04 Disemba 2020.
5. **I-COVID-19 nokuthathwa kweziphumo ngabafundi**
- 5.1 Niyacelwa niqinisekise ukuba isikolo/iziko lakho lizilandela mbo zonke iiprothokholi zezempilo nezokhuseleko njengoko zibhaliwe kwiSikhokelo se-COVID-19 seSebe leMfundo leNtshona Koloni, ingakumbi ukunxitywa kwemaski nokugcinwa komgaqo wokuqelelana.
- 5.2. Ukukungena kumasango esikolo/eziko kuvumeleke kuphela kubafundi abazigqibileyo iimviwo ze-NSC neze-SC zonyaka wokufunda ka-2020, xa bezolanda iziphumo.
6. **Ukunikwa inkxaso neengcebiso kwabaviwa abangapasanga**
- 6.1 Kubaluleke gqitha ukuba abaviwa abangalupasanga uviwo banikwe inkxaso nentuthuzelo ngokwasemoyeni neengcebiso. Mabaxelelwe aba baviwa ukuba kukho inkonzo yentuthuzelo neengcebiso efumanekayo. Banokunikwa iingcebiso esikolweni abaviwa xa befumana iziphumo zabo, okanye ukuba kunokwenzeka, kwii-ofisi zezithili zemfundo ezichaphazelekayo apho abasebenzi besebe baya kufumaneka khona.
- 6.2 Ukuba inqununu, umphathi weziko okanye utitshala ekudluliselwe kuye amagunya uthumela umviwa kwi-ofisi yesithili, makanikwe umviwa lowo inombolo yefoni nedilesi ye-ofisi yesithili yaye makunikwe ne-ofisi yesithili iinkcukacha zomviwa ngokunjalo.
- 6.3 Njengoko kudla ngokwenzeka, abona baviwa bafanele ukuba banikwe intuthuzelo neengcebiso, baye bangayifuni ngokwabo, kubongozwa izikolo namaziko ukuba zikuthathele ingqalelo oku yaye zibe nemfobe novelwano ngeemvakalelo zabaviwa abaye abaphumelela ngokweminqweno yabo.

7. Ukukhutshwa kwengcaciso engabafundi kumajelo eendaba

Amajelo eendaba aya kuba nomdla wokufumana ingcaciso engabafundi abathe baqhuba kakuhle kakhulu kwimviwo zeNSC. Iinqununu nabaphathi bamaziko okanye utitshala ekudluliselwe kuye amagunya unokubonelela ngengcaciso efana nale neefoto kumajelo eendaba ngokuthethana nabazali.

ISAYINWE: NGU-PAD BEETS

USEKELA MLAWULI-JIKELELE WEKHARITYHULAM NOLAWULO LOVAVANYO

UMHLA: 2020-11-24